

الفصل السادس (مفيش فايده)

اتجمعوا زميلاتنا حوالينها و الدكتور ببعائنها و لقيوا إنها عندها جرح شديد حوالين رقبتهها و كأن إيد بحوافر مش ضوافر حتي شددت السلسلة اللي كانت لبساها و سببت لها جروح شديدة ضمدها الدكتور و طمنهم عليها و حط لها بعض كحول تحت أنفها ففاقت و فتحت عيونها و بعدها صرخت مفزوعة لكن هدأوها زميلاتنا فهذأت حبة حبة حتي إتחסنت و طلبوا منها تحكيلهم عن اللي شافته في غرفة العفاريث الغرفة المنحوسة اللي ممنوع دخولها بسبب الحكايا اللي بنتحكي عنها بسبب إنها غرفة اللي ديماً بيكونوا عاملين حوادث شديدة معظمها حوادث قتل عمد و معظمهم مفيش أمل في شفاهم و بيموتوا ميتة مقتولين , و لما حكيت قالت إنها شافت زي ظل كبير اسود بملاً الغرفة غمرها و حست إنها متكفه مش قادرة تتحرك و لا قادرة تتكلم حتي و لكن أول ما حست بإيد بنتمد علي رقبتهها صرخت و بأعلى صوتها بعدها مشافتش حاجة خالص , بس هي فضلت تبكي كثير لإن السلسلة اللي فيها درع الحماية اختفت , حست إن كل شيء ضدها كل شيء لصالح الشبح , و مقدرتش تروح ليلتها حتي لما خلص وقت شغلها الساعة أربعة الفجر مروحتش رغم إن مكان شغلها قريب من مكان سكنها , نامت في المستشفى مش مرتاحة طبعاً و حتي نامت ساعتين مش أكثر و بالعافية , روحت الصبح بدري مش شايقة أمامها من التعب حتي لم تهتم بهمس الناس عنها في الشارع و نظراتهم لها حتي وصلت شقتها و لما حطت المفتاح في طبله الباب وقع منها المفتاح بسبب تعبها و لما وطت علي الأرض تاخده حست بشيء

غريب و شمت ريحة غريبة زي ريحة نرجس قامت و لفت
فشافتها فعلا وراها بنفس هيبتها بنفس كل شيء و عض الكلب
و جروحه عليها بحلقت بعنيها و مقدرتش تتكلم بس سمعنا
بتقولها: " إهربي أو واجهي في الحالين كوني شجاعه " , و
فتحت الباب شادية فلقت لها هديل مذعورة و لما بصت وراها
تاني لقيت نرجس اختفت دخلت غرفتها و نامت و لما صحيت
كانت واخده القرار....